

## MINNISBLAÐ

**Viðtakandi:** Skóla- og frístundaráð

**Sendandi:** Helgi Grímsson, sviðsstjóri skóla- og frístundasviðs

---

### ***Efni: Varðandi tillögu Flokks fólksins um sérstakt átak til að tryggja starfsöryggi dagforeldra***

Á fundi borgarráðs 10. október 2019 var lögð fram svohljóðandi tillaga áheyrnarfulltrúa Flokks fólksins sem vísað var til meðferðar skóla- og frístundaráðs:

Flokkur fólksins leggur til að farið verði í sérstakt átak til að tryggja starfsöryggi dagforeldra og beiti til þess öllum þeim úrræðum sem borgin hefur upp á að bjóða. Byrja þarf á að skilgreina nánar þann stofnstyrk sem nýjum dagforeldrum hefur verið lofað, hvernig hann er útfærður og hvenær hann verður greiddur út. Nefndur hefur einnig verið aðstöðustyrkur til að hjálpa þeim dagforeldrum sem að ekki hafa náð að fylla í plássin sín. Lagt er til að skoðað verði að fleiri styrkir verði veittir til dagforeldra þegar verst árar. Skoða mætti t.d. leigustyrk til þeirra sem að leigja dýra gæsluvelli á vegum borgarinnar eins og nefnt hefur verið. Skoða þarf hvort hægt sé að bjóða dagforeldrum sem að ekki eru með 4-5 börn viðbótarniðurgreiðslu til áramóta. Þetta er brot af hugmyndum sem nefndar hafa verið til að tryggja starfsöryggi dagforeldra á meðan verið er að brúa bilið. Þetta haust hefur verið einstaklega slæmt. Ekki hafa fengist börn í vistun sem þýðir að einhverjir dagforeldrar hætta störfum. Í vor mun hins vegar verða vöntun á dagforeldrum. Hvernig á að bregðast við þeim aðstæðum sem þá myndast, þegar stór hópur af börnum fær ekki vistun og foreldrar komast ekki til vinnu?

Í tillögunni hér að framan er lagt til að dagforeldrar fái aukna styrki til að tryggja starfsöryggi þeirra. Á árinu 2018 skilaði starfshópur, skipaður af skóla- og frístundaráði, skýrslu um endurskoðun, þróun og breytingar á dagforeldraþjónustu í Reykjavík. Á 145. fundi skóla- og frístundaráðs þann 9. október 2018 voru 9 tilögur af 11 samþykktar til innleiðingar. Í kjölfarið voru tillögurnar samþykktar á 5531. fundi borgarráðs þann 17. janúar 2019. Þar voru m.a. tillögur um stofnstyrk fyrir nýja dagforeldra, aukin niðurgreiðsla til dagforeldra,

Í október 2020 er staðan eftirfarandi:

### **1. Húsnæði vegna daggæslu í heimahúsum Reykjavíkurborg stuðli markvisst að því að fjölga þeim dagforeldrum sem starfa tveir saman með því að bjóða þeim húsnæði til leigu undir starfsemina.**

Reykjavíkurborg hefur til umráða ellefu gæsluleikvallarhús í útleigu til dagforeldra. Ellefta húsið sem er við Arnarbakka í Breiðholti var standsett sumarið 2019 gagnert til útleigu til dagforeldra sem hafa tekið við húsinu. Reykjavíkurborg hefur ekki tiltækt meira laust húsnæði, sambærilegt við fyrrum gæsluvallarhús og því þyrfti eignasjóður að fjárfesta í nýjum húsum sem henta starfsemi dagforeldra og

koma þeim fyrir á opnum svæðum borgarinnar. Kostnaður vegna hvers húss þ.e. bygging þess og vinna við að setja það niður er áætlaður um 30 milljónir króna. Leiga fyrir slíkt yrði að vera um 213.000 krónur á mánuði sem er umtalsvert herra en það sem nú er í gömlu gæsluvallarhúsunum. Ekki er gert ráð fyrir að dagforeldrar ráði við slíka leigu og yrði þá skóla- og frístundsvið að niðurgreiða mismun í formi innri leigu. Slíkar fjárfestingar rúmast ekki innan fjárheimilda sviðsins. Af þessum sökum hefur þessi tillaga ekki komist til framkvæmda.

## **2. Niðurgreiðsla til dagforeldra.**

Niðurgreiðsla hækkaði um 15% 1. janúar 2019.

## **3. Stofnstyrkur. Veittur verði stofnstyrkur kr. 300.000 til nýrra dagforeldra. Skilyrði verði að dagforeldri starfi í 1 ár, annars komi til endurgreiðslu.**

Reglur um stofnstyrk ásamt umsóknareyðublaði voru samþykkt á 167. fundi skóla- og frístundaráðs 27. ágúst 2019. Reglurnar voru samþykktar á 5555. fundi borgarráðs 5. september 2019. Samþykktin er afturvirk frá janúar 2019. Í fjárhagsramma skóla- og frístundasviðs voru 3.600.000 kr. áætlaðar vegna þessa. Þann 2. október 2020 hafa 8 dagforeldrar fengið úthlutaðan styrk að upphæð 300.000 hvert.

## **4. Námsstyrkir og aukinn faglegur stuðningur við dagforeldra. a) Reykjavíkurborg hækki framlög til dagforeldra vegna grunnnámskeiðs fyrir verðandi dagforeldra. Greiddur verði helmingur námskeiðsgjalds grunnnámskeiðs. b) Reykjavíkurborg greiði að fullu endurnýjun á slysavarnar- og eldvarnarnámskeiðum sem viðurkenndir fagaðilar halda. Hvert dagforeldri fái niðurgreiðslur á 4 ára fresti vegna slysavarnar- og eldvarnarnámskeiða (fyrst 4 árum eftir réttindanámskeið dagforeldra) þar til ný reglugerð liggur fyrir og þá samkvæmt ákvæði reglugerðarinnar. Hefst 2019.**

Niðurgreiðsla vegna grunnnámskeiða er hafin. Reykjavíkurborg greiddi til helminga grunnnámskeið vorið 2019 kr. 47.500 pr. þátttakanda. Heildarkostnaður vegna grunnnámskeiða árið 2019 var 190.000 kr. vegna fjögurra einstaklinga. Í október 2020 hefur ekkert dagforeldri fengið niðurgreiðslu vegna grunnnámskeiðs.

Varðandi niðurgreiðslu vegna endurnýjunar á slysavarnar- og eldvarnarnámskeiðum, þá eru ekki ákvæði um slíkt í núverandi reglugerð um daggæslu í heimahúsum. Gert er ráð fyrir að ákvæði varðandi þessa þætti fari inn við endurnýjun reglugerðar. Í kjölfar þess yrði farið í nánari útfærslu.

Þann 30. ágúst 2019 hafði enginn sótt um niðurgreiðslu vegna endurnýjunar. Lagt er til að þar til ný reglugerð verður gefin út verði það á ábyrgð hvers dagforeldris að sækja slys- og eldvarnarnámskeið og óska í kjölfarið eftir endurgreiðslu frá skóla- og frístundasviði. Greiðslufyrirkomulag hefur verið útfært í samvinnu við fjármálaskrifstofu skóla- og frístundasviðs.

## **5. Ytra mat á daggæslu og öryggishnappur a) Ytra mat á daggæslu verði innleitt með vísan í gæðaviðmið sem þróuð hafa verið í samvinnu við félög dagforeldra b) Borgin útvegi þeim dagforeldrum sem starfa einir öryggishnapp. Þjónustan verði boðin út til að tryggja hagstæðustu verð sem völ er á.**

Í september 2020 var gengið frá samningi við Securitas um umsjón með öryggishnöppum fyrir dagforeldra. Þann 2. október 2020 hafa þeir dagforeldrar sem starfa einir fengið öryggishnapp.

Ytra mati hefur ekki verið komið á en gæðaviðmið liggja fyrir og voru þróuð í samráði við félög dagforeldra.